



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliarvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

Collatio Secvnda.

**urn:nbn:de:hbz:466:1-15324**

ANNO  
CHRISTI  
553.

iam nunc procedat. Et cum accessissent ex petitione sanctæ Synodi sanctissimi patriarchæ, Euty chius Constantinopolitanus, Apollinarius Alexandrinus, Dominus Theopolitanus, Benignus Heracleæ Pelagoniensis, vicem agens Eliæ episcopi Theffalonicensis, Theodorus episcopus Cæsareæ Cappadociæ, Andreas Ephesi, Megethius Heracleæ Thraciæ, Ioannes Nicomediæ, Stephanus Nicææ, Constantinus Calchedonensis, Eusebius Tyri, Ioannes Cæsareæ Palæstina, Amazonius Edessa, Thomas Apameæ Syriæ, Pompeianus de Byzacio, Phocas Stalienfis prouinciæ Præualiensis, Theodorus Leontopolitanus, Stephanus de Clysmate, Æmilianus Antipyrgi religiosissimi episcopi, ex nomine totius Concilii ad sanctissimum papam Vigilium, aliis episcopis in eodem venerabili episcopio relictis, & redissent iidem sanctissimi patriarchæ vna cum religiosissimis episcopis, sanctissimi patriarchæ & qui cum eis peruenerunt ad sanctissimum papam religiosissimi episcopi dixerunt: Sicut nobis omnibus visum est, peruientes ad sanctissimum papam antiquioris Romæ Vigilium, petiuimus eius beatitudinem conuenire, & disceptare vna nobiscum de tribus capitulis secundum scripta quæ inter nos & ipsum facta sunt, manifestantes eius beatitudini, quod serenissimus noster imperator pijs literas ad nos direxit, adhortans nos de eisdem tribus capitulis respondere: qui modo quidem propter corporis infirmitatem dixit non posse ad hanc petitionem respondere: in postero autem die pollicitus est manifestare quod ei de tali Conuentu placuerit. Oportet igitur præsentem differre diem.

## COLLATIO SECVNDA.

**I**MPERII domini Iustiniani perpetui Augusti anno **IXXXVII.** post consulatum Basilii viri clarissimi anno **XII.** die **VIII.** Idus Maias, indictione **I.** confidentibus in secretario venerabilibus episcopis huius regiæ ciuitatis,

Eutychio sanctissimo patriarcha regiæ Constantinopolis nouæ Romæ,

Apollinario sanctissimo archiepiscopo Alexandriæ magnæ ciuitatis,

Domnino sanctissimo patriarcha Theopolitanæ magnæ ciuitatis,

Stephano religiosissimo episcopo Raphiæ, &  
 Georgio religiosissimo episcopo Tiberiadis, & ceteris vt supra  
 Collatione I.

ANNO  
 CHRISTI  
 555.

\* Diodorus archidiaconus & primicerius reuerendissimorum notariorum dixit: Meminit sancta vestra Synodus gestorum quæ apud vos habita sunt pro insinuatione sacrorum apicum, quos inuictus noster imperator direxit ad vestram beatitudinem, & quod ante duos istos dies iterum conuenistis ad B. papam antiquioris Romæ, tam Euty chius, quam Apollinarius, & Dominus sanctissimi patriarchæ, & religiosissimi episcopi Benignus Heracleæ Pelagoniæ, vicem agens Eliæ religiosissimi episcopi Thessalonicensis, Theodorus Cæsareæ Cappadociæ, Andreas Ephesi, Megethius Heracleæ Thraciæ, Ioannes Nicomediæ, Stephanus Nicææ, Constantinus Calchedonensis, Eusebius Tyri, Ioannes Cæsareæ Palæstina, Amazonius Edeßæ, Theodotus Seleuciæ, Thomas Apameæ Syriæ, Pompeianus Byzacii, Phocas Staliensis, Theodorus Leontopoleos, Stephanus de Clysmate, Æmilianus Antipyrgi, quatenus idem religiosissimus papa secundum promissâ suâ de suo Conuentu manifestet. Sancta Synodus dixit: Ordinis gratia, ea quæ acta sunt in isto sancto Concilio, manifestentur. Et lecta sunt. Diodorus archidiaconus & primicerius reuerendissimorum notariorum dixit: Petunt omnes alii religiosissimi episcopi, & vos sanctissimos patriarchas, & religiosissimos episcopos qui vobiscum fuerunt ad sanctissimum papam Vigilium, explanare quæ subsécuta sunt.

Sanctissimi patriarchæ & religiosissimi episcopi, qui cum illis conuenerunt ad sanctissimum papam Vigilium, dixerunt: Secundum promissionem hesternæ die factam a B. papa antiquioris Romæ Vigilio, peruenimus ad eum sexto die instantis Maii mensis, id est, ante duos dies, commonentes quidem eius beatitudinem quæ inter nos in scriptis complacuerunt; adhortantes vero eum conuenire vna nobiscum, & tractare & disponere de tribus capitulis, de quibus piissimus imperator nos eiusque beatitudinem in scriptis interrogauit. Ille vero respondit, non posse vna nobiscum conuenire, eo quod plurimi quidem hic sunt orientales episcopi, pauci vero cum eo: facere autem

ANNO  
CHRISTI  
553.

autem per semetipsum in scriptis suam sententiam, & offerre piissimo domino. Ideo enim & inducias postulasse ab eius serenitate, vt intra eas suam voluntatem manifestaret. Nos vero dicebamus: Scit vestra beatitudo, quod in his quæ inter nos in scriptis facta sunt promisistis vna cum episcopis qui nobiscum & communicant & vniti sunt conuenire, & requirere de his tribus capitulis. Nos vero & communicamus & vniti vobiscum sumus, & non decet omnium nostrorum Conuentum differri propter occidentales episcopos. Nec enim in sanctis quatuor Synodis multitudo occidentalium episcoporum inuenta est vnquam, sed duo vel tres episcopi, & certi clerici. Nunc vero adest quidem vestra beatitudo, multi etiam alii ex Italia præsto sunt episcopi, sunt etiam ex Africa episcopi, & ab Illyrico, & nihil est quod prohibeat conuenire vos vna nobiscum secundum ea quæ inter nos in scriptis facta sunt: & melius est cum caritate decente sacerdotes conuenire, & vnã pro causã sententiam statuere, vt tunc quæstio communem in scriptis definitionem suscipiat. Hoc enim cognoscens & piissimus imperator, inducias dabit omni modo, cum promissio communis a nobis omnibus ei data fuerit pro causã definitione. Si vero non vultis, secundum ea quæ in scriptis nobis placuerunt, conuenire, cognoscat vestra beatitudo, quod oportet & nos in vnum conuenientes nostram manifestare voluntatem. Nec enim iustum est, vel tam Christianissimum imperatorem, vel fidelem populum scandalizari ex dilatione, quæ in medio circa responsionem efficitur. Et his dictis, promisimus omnia suggerere piissimo domino. Quo a nobis factò, promisit eius serenitas transmittere quosdam gloriosissimos iudices vna cum religiosissimis episcopis ad eundem beatissimum virum, vt de eisdem etiam iterum eum adhortarentur.

Diodorus archidiaconus & primicerius reuerendissimorum notariorum dixit: Quoniam sicut promisit piissimus imperator, hesterno die destinavit ad religiosissimum papam Vigilium, Petrum patriciũ & Constantinum viros gloriosissimos, missi autem sunt & a vestro sancto Concilio Theodorus Cæsareæ Cappadociæ, Benignus Heracleæ Pelagoniæ, Andreas Ephesi, Megethius He-

*Concil. Tom. 12.*

D

raclæ Thraciæ, Constantinus Calchedonenſis, Eufebius Tyri, Ioannes Cæſaræ Palæſtinæ, Amazonius Edeſſæ, Theodotus Seleuciæ, Phocas Stalienſis, Theodorus Leōtopoleos, Æmilianus Antipyrgi religioſiſſimi epiſcopi, & præſto ſunt prædicti glorioſiſſimi iudices, iuſſi a piſſimo imperatore dicere ante ſanctam Synodum quæ præſentibus eis ſubſecuta ſunt: hoc ipſum ſuggerimus.

Sancta Synodus dixit: Prædicti glorioſiſſimi viri, ſecundum quod iuſſum eſt a piſſimo imperatore, dignentur dicere quæ ipſis præſentibus ſubſecuta ſunt. Liberius glorioſiſſimus patricius, Petrus glorioſiſſimus patricius & magiſter officiorum, Patricius glorioſiſſimus patricius, & Constantinus glorioſiſſimus quæſtor ſacri palatii, per glorioſiſſimum quæſtorem Constantinum dixerunt: Et primo die instantis Maii menſis ſecundum iuſſionem pii domini peruenimus ad beatiffimum papam Vigilium, vna cum glorioſiſſimis patriciis, Belifario, Cethego & Ruſtico; & ſeptimo die instantis Maii menſis peruenimus iterum ad eundem beatiffimum virum vna cum Theodoro Cæſaræ Cappadociæ, Benigno Heraclæ Pelagoniæ, Andrea Epheſi, Megethio Heraclæ Thraciæ, Constantino Calchedonis, Eufebio Tyri, Ioanne Cæſaræ Palæſtinæ, Amazonio Edeſſæ, Theodoro Seleuciæ, Phoca Stalienſis ciuitatis, Theodoro Leontopoleos, & Æmiliano Antipyrgi religioſiſſimis epiſcopis. In vtroque autem die eandem reſponſionem diximus a piſſimo domino, id eſt, & vt conueniret vna nobiſcum omnibus, & tractaret de tribus capitulis, hiſ qui volunt fiduciam habentibus contradicendi, vt per communem conſenſum omnium finem ſuſciperet cauſa trium capitulorū. Et plurimis de hoc motis, poſtulauit inducias accipere vt ſolus reſpondeat. Nos vero ad eum diximus, quod ſolus quidem ſæpius in ſcriptis & ſine ſcriptis condemnaſti iſta tria capitula: piſſimus autem dominus in communi vult te vna cum aliis conuenire, & ſic de hiſ iudiciū fieri. De induciis vero & per alios ſuggeſſit tua beatitudo piſſimo Domino, & reſpondit eius maietas, quod ſi quidem conueniatis vna cum beatiffimis patriarchis & religioſiſſimis epiſcopis ſecundū quod inter vos viſum eſt, debentes tractare & cōmuniter de tribus capitulis diſponere, præbeo

ANNO  
CHRISTI  
533.

non solum quantas nunc dicitis inducias, sed etiam longiores: sin autem per semetipsam vult tua beatitudo suam manifestare voluntatem, necesse est nos etiam ab his qui propter hoc vocati sunt religiosissimi sacerdotes, & tantum tempus hic commorati sunt, synodice discere quam de his habent voluntatem. Nos enim non possumus Dei ecclesiam ulterius in tanta confusione relinquere, maxime hareticis calumniantibus eius sacerdotes tamquam Nestorii sequaces. Et iterum promisit solus facere & transmittere piissimo Domino.

Sancta Synodus dixit: Et religiosissimi episcopi, qui vna cum gloriosissimis iudicibus ad sanctissimum papam Vigilium fuerunt, quæ subsecuta sunt dicant. Religiosissimi episcopi dixerunt: Secundum iussionem piissimi imperatoris & præceptum vestræ sanctitatis fuimus vna cum Liberio gloriosissimo patricio, Petro gloriosissimo patricio & magistro officiorum, & Patricio gloriosissimo patricio, & Constantino gloriosissimo quæstore sacri palatii, ad sanctissimum papam Vigilium, & ingressis nobis gloriosissimus magister & gloriosissimus quæstor propofuerunt presentibus nobis iussionem piissimi imperatoris sanctissimo papæ, & multa dicta sunt similia illis, quæ & ante a vestra sanctitate precedenti die apud eundem sanctissimum papam mota sunt, & quæ nunc exposuerunt gloriosissimi iudices, scimus & nos mota esse apud ipsius sanctitatem. Gloriosissimi iudices dixerunt: Nos quidem hoc quod iussi sumus a piissimo imperatore, impleuimus, & imus ad sacrum eius palatium, in eius obsequium permanfuri: vos autem Dei timorem præ oculis habentes, celerem finem imponere causæ dignamini conuenientem his quæ a sanctis quatuor Conciliis de fide recta definita sunt: scientes quod piissimus imperator specialiter iussit nobis dicere vestræ sanctitati, quod ipse quæ a sanctis quatuor Conciliis de vna eademque fide definita & iudicata sunt, & seruauit & seruat, & vindicauit & vindicat: & omnia quidem quæ conueniunt his quæ ab iisdem sanctis Conciliis pro recta fide definita sunt, & suscipit & seruat: omnia autem contraria his quæ ab ipsis de fide recta iudicata sunt, & reiecit, & aliena de ecclesia iudicat esse. Nam & sanctas quatuor Synodos maiestas ipsius sacris ecclesie diptychis

infernū & prædicari fecit: quod ante imperium diuinitus ei datum, in sancta ecclesia non procedebat.

Et cum recessissent gloriosissimi iudices, sancta Synodus dixit: Certis constitutis, quæ & nunc apud beatissimum papam Vigilium subsecuta sunt per expositionem gloriosissimorum iudicum & religiosissimorum episcoporum, cum nos per omnia quod decet & seruauimus & seruamus, & sapius petiuimus sanctissimum papam Vigilium vna nobiscum conuenire, & definitionem vna nobiscum his quæ mouentur imponere, quoniam ex religiosissimis episcopis qui in hac regia ciuitate degere noscuntur, non sunt in nostro Concilio præsentis, de Africanis quidem Primasius reuerendissimus vnus Byzacenæ parocciæ episcopus, de Illyrico autem Sabinianus, & Proiectus, & Paulus religiosissimi episcopi: Theodorus reuerendissimus episcopus Lymiron, Anatolius reuerendissimus episcopus Cymæ, Diogenianus reuerendissimus episcopus Sozopolitanus, vna cum Ammonio, Petro & Theodoro reuerendissimis presbyteris, & ecclesiæ huius regis vrbis defensoribus, pergant, & adhortentur eos venire, & partem fieri huius sancti Concilii. Et cum essent destinati reuerendissimi viri ad prædictos religiosissimos episcopos, & reuersi sunt, Theodorus episcopus Lymiron dixit: Pro iussione vestre beatitudinis fuimustam ego, quam Ammonius reuerendissimus presbyter & huius sanctæ magnæ ecclesiæ defensor, in domum Marinæ ad Primasium reuerendissimū episcopum Afrum, & adhortati sumus eum vt veniret, & consideret vestre sanctitati. Ille autem dixit: Papa non præsentis, non venio. Ammonius presbyter & defensor ecclesiæ dixit: Vera docuit Theodorus reuerendissimus episcopus Lymiron: ita enim diximus, & audiuius ab eo. Anatolius episcopus Cymæ dixit: Secundum iussionem beatitudinis vestre fuimustam ego, quam Petrus reuerendissimus presbyter & defensor huius sanctæ magnæ ecclesiæ in loco qui dicitur Palea, in domo piissimi & tranquillissimi imperatoris, ad Sabinianum reuerendissimum episcopum Zaparenæ ciuitatis Illyricianæ dioceseos, & adhortati sumus eum vt conueniret, & consideret vestre sanctissimæ Synodo: qui dixit non posse venire eo quod

ANNO  
CHRISTI  
553.

non præsto est archiepiscopus eius Benenatus: dixit autem quod ego illi respondeo. Petrus presbyter & defensor ecclesiæ dixit: Vera dixit Anatolius reuerendissimus episcopus Cymæ: sic etenim & diximus, & audiuimus ab eo. Diogenianus episcopus Sozopolitanus Pisidiæ dixit: Secundum iussionem vestræ beatitudinis perueni vna cum Theodoro reuerendissimo presbytero & defensore huius sanctæ ecclesiæ ad Proiectum reuerendissimū episcopum Naifitanū Illyricæ diœcesos, qui habitat in domo Maxentiani, & diximus ei tale responsum, quod hortantur vos sanctissimi patriarchæ & reliqui omnes fratres vestri religiosissimi episcopi venire in sanctam Synodum, & dixit quod ad archiepiscopum Benenatum accedo, & ad eum respondeo. Cum autem peruenissemus ad Paulum religiosissimum episcopum secundæ Iustinianæ, qui habitat in domo Germani prope portum Casarii, & dixissemus ei quæ vestra sanctitas iussit, respondit, quod archiepiscopum habeo, & ei respondeo. Theodorus presbyter & defensor ecclesiæ dixit: Secundum iussionem vestræ beatitudinis cum peruenissem vna cum Diogeniano reuerendissimo episcopo Sozopolitano ad prædictos reuerendissimos episcopos Proiectum Naifitanum, & Paulum secundæ Iustinianæ, adhortati sumus eos venire in isto sancto Concilio: responderunt illa quæ edocuit prædictus reuerendissimus episcopus Diogenianus.

Sancta Synodus dixit: Oportebat quidem Primasium, & Sabinianum, & Proiectum, & Paulum religiosissimos episcopos, conuocatos ab hoc sancto Concilio, aduenire, & participes fieri omnium quæ mouentur, maxime cum & piissimus imperator & nos ipsi licentiam dedimus vnicuique suam voluntatem, quam pro his quæ mouentur, habet, facere manifestam: quoniam vero hoc non fecerunt, de Primasio quidem secundum ecclesiasticam traditionem opportuno tempore quæ oportet disponantur: Sabiniano autem, & Proiecto, & Paulo reuerendissimis episcopis licebit, secundum quod petierunt, ad Benenatum religiosissimum episcopum accedere, qui communicat nobis, & consentit his quæ ab ista Synodo aguntur, sicut ostendunt ea quæ sæpius scripsit & fecit: & quod Phocas religiosissimus episcopus sub eius diœcesi constitutus,

D iij

præsto est huic sancto Concilio, & eius vices agit: & hæc quidem sic ordinentur. Incongruum autem sacerdotibus esse putantes protrahere dandum a nobis responsum Christianissimo imperatori, apostolo maxime Petro dicente: *Oportet nos paratos esse ad satisfactionem omni poscenti nos rationem de nostra salute*; Deo iuuante, futuro die convenientes, quæ oportet agemus.

1. Petr. 3.

ANNO  
CHRISTI  
533.

## COLLATIO TERTIA.

IMPERII domini Iustiniani perpetui Augusti anno LXXVII. post consulatum Basilii viri clarissimi anno XII. die VII. Idus Maias, indictione I. confidentibus in secretario venerabilibus episcopis huius regie ciuitatis,

Eutychio sanctissimo patriarcha regie Constantinopolis nouæ Romæ,

Apollinario sanctissimo archiepiscopo Alexandrinæ magnæ ciuitatis,

\* Domino sanctissimo patriarcha \* Theopolitanæ magnæ ciuitatis,

Stephano religiosissimo episcopo Raphiæ,

Georgio religiosissimo episcopo Tiberiadis, & ceteris vt supra Collatione I.

\*Dom-  
no  
\*Antio-  
chene

Diodorus archidiaconus & primicerius reuerendissimorum notariorum dixit: Hesterno die Conuentione facta, interlocuta est vestra sanctitas, vt hodierno die sancta vestra Synodus colligatur, & suggerimus ad quod placuerit. Sancta Synodus dixit: Ordinis gratia omnia quæ gesta sunt recitentur. Quo facto, sancta Synodus dixit: Omnibus proponentes, & sacerdotibus conuenire putantes initium facere gestorum, quæ apud nos habentur, de tribus capitulis, de quibus in scriptis interrogatumus a piissimo & tranquillissimo imperatore, & manifestum omnibus facere de fide recta, & sanctis patribus & doctoribus, qui per diuersa tempora in sancta Dei ecclesia splenduerunt: Confitemur fidem tenere & predicare ab initio donatam a magno Deo & saluatore nostro Iesu Christo sanctis apostolis, & ab illis in vniuerso mundo prædicatam, quam & sancti patres confessi sunt, & explanauerunt, & sanctis ecclesiis tradiderunt, & maxime qui in sanctis quatuor Synodis conuenerunt; quos per omnia & in omnibus \* sequuntur, & suscipimus cum aliis san-

\* for. e-  
quimur.